

respondeat esse occidendum. Quamquam & hunc non esse irregularēm, probabilius censem Holzm. Salmant. Laymanus, & alii. Addit etiam Tournelius, nec fieri irregularēm Confessariū, si moneat carnificem, ut suo munere fungatur. Imo valde probabilis est eorum sententia, qui censem ex justo homicidio neminem evadere irregularēm, nisi ad illud concurrat ut publicus minister justitiæ, sive ad causæ probationem, sive ad sententiæ executionem V. Tournelyum.

101. Excusantur etiam ab irregularitate, qui solum *passive* concurrunt ad alterius mortem, ut Confessarius hortans reum ad fatendam veritatem, vel ad acquiescendum sententiæ iustitiae. Pariter ii, qui licet adjuvent quodammodo ad mortem, sed in illam non influunt, ut ferentes ligna, ut comburatur is, qui jam antea fuerat suffocatus; assistentes suppicio etiam Clerici, si præsentia sua non influant in mortem; quamvis olim Clericis prohibitum fuerit hujusmodi suppliciis interesse, c. *sententiam*. Canon enim hic vel est abrogatus, ut nonnulli putant, vel non obligat saltem sub gravi. Confessarius, & qui reum comitantur ad supplicium, non sunt irregulares, etiamsi forte juventum stimulent, ut properet, vel jubeant reum scalam ascendere, vel quid simile operentur.

102. Denique nec sunt irregulares judices Ecclesiastici degradatum tradentes brachio sæculari, nec Clerici accusantes reum in causa criminali, modo expresse protestentur sese non intendere, ut puniatur poena sanguinis, sed

tantum ut sibi, vel suis satisfiat, vel impedian tur mala sibi imminentia. Possunt quoque aliquando ab irregularitate excusari ad mortem proxime cooperantes ex defectu deliberationis aut advertentiæ, quia irregularitas requirit actum humanum plene voluntarium, ac deliberatum. Hinc legitur in Clement. de homic. Si furiosus aut infans, seu dormiens hominem mutulet, vel occidat, nullam ex hoc irregularitatē incurrit. V. A.

Nota: ea fere omnia, in quibus ab auctore dissentimus, peculiari charactere, aut virgulis distincta reperies, præter accessiones aliquas, & leves castigationes, quas interdum insertas animadverteret, qui in Ligorii scriptis versatus fuerit.

APPENDIX

De damnatis ab Ecclesia propositionibus.

Quamquam omnes fere ab Ecclesia damnatae theses suis quæque locis secundum rerum ordinem insertæ reperiantur in hac Epitome, visum est tamen in utilitatem studiosæ Juventutis eas simul colligere ad calcem hujus operis, ut eas quisque possit, cum res exigat, sub oculis habere, & consulere. Doctrinam vero proscriptam, quæ ad mores per se non spectat, ut minus necessariam omnino prætermitemus.

*Propositiones damnatae ab Alex. VII. die 30.
Januarii 1659.*

1. Concilium Tridentinum non obligat Regulares in Gallia ad obtainendas adprobations ab Episcopis, ut Sæcularium confessiones audire possint, neque ex illius Concilii auctoritate privilegia Regularium restringi possunt, cum in Gallia receptum non sit, præterquam in decisionibus fidei, neque etiam Bulla Pii IV. pro confirmatione illius Concilii promulgata.

2. Ubi Concilium Tridentinum est receputum, non possunt Episcopi restringere, vel limitare approbationes, quas Regularibus concedunt ad Confessiones, audiendas, neque illas ulla ex causa revocare. Quin imo Ordinum mendicantium Religiosi ad eas approbationes obtainendas non tenentur, & si ab Episcopis Religiosi non probentur, rejectio illa tantumdem valet, ac si approbatio concessa fuisset.

3. Regulares Ordinum mendicantium semel approbati ab uno Episcopo ad confessiones audiendas in sua Diœcesi, habentur pro approbatis in aliis dioecesibus, nec nova Episcoporum indigent approbatione. Regulares habent potestatem absolvendi a peccatis Episcopo reservatis, etiamsi ab Episcopo auctoritas ipsis indulta non fuerit.

4. Nullus in foro conscientia parochiæ suæ interesse tenetur, nec ad annuam confessionem, nec ad missas parochiales, nec ad audiendum verbum Dei, divinam legem, fidei rudimenta,

morumque doctrinam, quæ ibi in catechesibus annuntiantur, & docentur.

5. Talem legem in hac materia nec Episcopi, nec Concilia provinciarum, vel nationum sancire, nec delinquentes aliquibus poenis, vel Ecclesiasticis censuris multare possunt.

6. Regulares mendicantes petere possunt licite a judicibus sæcularibus, ut injungant Episcopis, quatenus ipsis mandata concedant ad prædicandum in Adventu, & quadragesima: quod si renuant faceret, Episcopi decretum judicum Sæcularium tantundem valet, ac si permissio dictis Religiosis concessa fuisset.

Propositiones damnatae ab Alex. VII. die 24.

Septembri anni 1665.

1. Homo nullo unquam vitæ suæ tempore tenetur elicere acutum fideli, spei, & charitatis ex vi præceptorum divinorum ad eas virtutes pertinentium.

2. Vir equestris, ad duellum provocatus, potest illud acceptare; ne timiditatis notam apud alios incurrat.

3. Sententia asserens, Bullam Cœnæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 28. Julii in Consistorio S. Cong. Emin. Cardinalium visa, & tolerata est.

4. Prælati Regulares possunt in foro conscientiæ absolvere quoscumque Sæculares ab hæ-

resi occulta, & ab excommunicatione propter eam incusa.

5. Quamvis evidenter tibi constet Petrum esse hæreticum, non teneris denunciare, si probare non possis.

6. Confessarius, qui in Sacramentali confessione tribuit pœnitenti chartam postea legendum, in qua ad venerem incitat, non censetur sollicitasse in confessione, ac proinde non est denunciandus.

7. Modus evadendi obligationem denunciandæ sollicitationis est, si sollicitatus confiteatur cum sollicitante; hic potes ipsum absolvere absque onere denunciandi.

8. Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsimet celebranti correspondentem, idque post decretum Urbani VIII.

9. Post decretum Urbani potest Sacerdos, cui Missæ celebrandæ tradantur, per alium satisfacere, collato illi minori stipendio, alia parte stipendi sibi retenta.

10. Non est contra justitiam pro pluribus sacrificiis stipendium accipere, & sacrificium unum offerre: neque etiam est contra fidelitatem etiamsi promittam, promissione etiam jurata, danti stipendium, quod pro nullo alio offeram.

11. Peccata in confessione omissa, seu obligata ob instans periculum vitæ, aut ob aliam causam, non tenemur in sequenti confessione exprimere.

12. Mendicantes possunt absolvere a easibus Episcopo reservatis, non obtenta ad id Episcoporum facultate.

13. Satisfacit præcepto annuæ confessionis, qui confitetur Regulari, Episcopo præsentato, sed ab eo injuste reprobato.

14. Qui facit confessionem voluntarie nullam, satisfacit præcepto Ecclesiæ.

15. Pœnitens propria auctoritate substituere sibi aliud potest, qui loco ipsius pœnitentiam adimpleat.

16. Qui beneficium curatum habent, possunt sibi eligere in confessarium simplicem Sacerdotem, non approbatum ab Ordinario.

17. Est licitum Religioso, vel Clerico calumniatorem gravia crimina de se vel de sua Religione spargere minantem occidere, quando alius modus defendendi non suppetit, vel suppetere non videtur, si calumniator sit paratus, vel ipsi Religioso, vel ejus Religioni publice, & coram gravissimis viris prædicta impingere, nisi occidatur.

18. Licet interficere falsum accusatorem, falsos testes, ac etiam judicem, a quo iniqua certo imminet sententia, si alia via non potest innocens damnum evitare.

19. Non peccat maritus occidens propria auctoritate uxorem in adulterio deprehensam.

20. Restitutio a Pio V. imposta Beneficiariis non recitantibus non debetur in conscientia ante sententiam declaratoriam judicis, eo quod sit pena.

21. Habens Capellaniam collativam, aut Tomo II.

quodvis aliud Beneficium Ecclesiasticum , si studio litterarum vacet , satisfacit suæ obligationi , si officium per alium recitet.

22. Non est contra justitiam beneficia Ecclesiastica non conferre gratis , quia collator conferens illa beneficia Ecclesiastica , pecunia interveniente , non exigit illam pro collatione beneficii , sed veluti pro emolumento temporali , quod tibi conferre non tenebatur.

23. Frangens jejunium Ecclesiæ , ad quod tenetur , non peccat mortaliter , nisi ex contemptu , vel inobedientia hoc faciat , puta , quia non vult se subjicere præcepto.

24. Mollities , sodomia , & bestialitas sunt peccata ejusdem speciei infimæ , ideoque sufficit dicere in confessione se procurasse pollutionem.

25. Qui habuit copulam cum soluta , satisfacit confessionis præcepto , dicens : *commisi cum soluta grave peccatum contra castitatem* , non explicando copulam.

26. Quando litigantes habent pro se opiniones æque probabiles , potest judex pecuniam accipere pro ferenda sententia in favorem unius præ alio.

27. Si liber sit alicujus junioris , & moderni debet opinio censeri probabilis , dum non constet rejectam esse a Sede Apostolica tanquam improbabilem.

28. Populus non peccat , etiamsi absque ulla causa non recipiat legem a Principe promulgatam.

*Propositiones damnatae ab eodem Alex. VII.
die 18. Martii 1666.*

29. In die jejunii , qui sæpius modicum quid comedit , etsi notabilem quantitatem in fine comederit , non frangit jejunium.

30. Omnes Officiales , qui in Republica corporaliter laborant , sunt excusati ab obligatione jejunii , nec debent se certificare , an labor sit compatibilis cum jejunio.

31. Excusantur absolute a præcepto jejunii illi , qui iter agunt equitando , utcumque iter agant , etiamsi iter necessarium non sit , & etiamsi iter unius diei confiant.

32. Non est evidens , quod consuetudo non comedendi ova , & lacticinia in Quadragesima obliget.

33. Restitutio fructuum ob omissionem Horarum suppleri potest per quascumque eleemosynas , quas antea Beneficiatus de fructibus sui beneficii fecerit.

34. In die Palmarum recitans Officium Paschale satisfacit præcepto.

35. Unico Officio potest quis satisfacere duplaci præcepto , pro die præsenti , & castrino.

36. Regulares possunt in foro conscientiæ uti privilegiis suis , quæ sunt expresse revocata per Concilium Tridentinum.

37. Indulgentiæ concessæ Regularibus , & revocatae a Paulo V. hodie sunt revalidatae.

38. Mandatum Tridentini , factum Sacerdoti sacrificanti ex necessitate cum peccato morta-

li, confitendi quam primum, est consilium, non præceptum.

39. Illa particula *quamprimum* intelligitur, cum Sacerdos suo tempore confitebitur.

40. Est probabilis opinio, quæ dicitur esse tantum veniale osculum habitum ob delectationem carnalem, & sensibilem, quæ ex osculo oriatur, secluso periculo consensus, & pollutionis ulterioris.

41. Non est obligandus concubinarius ad ejiciendam concubinam, si hæc nimis utilis es-
set ad obiectamentum concubinarii vulgo *regalo*, dum deficiente illa nimis agræ ageret vitam, & aliæ epulæ tædio magno concubinarium afficerent, & alæ famulæ nimis difficile invenirentur.

42. Licitum est mutuanti aliquid ultra sortem exigere, si se obligat ad non repetendam sortem usque ad certum tempus.

43. Annum legatum pro anima relictum non durat plusquam per decem annos.

44. Quoad forum conscientiæ, reo correcto, ejusque contumacia cessante, cessant censuræ.

45. Libri prohibiti donec expurgentur pos-
sunt retineri, usque dum adhibita diligentia cor-
rigantur.

Propositiones damnatae ab Innocencio XI.

die 2. Martii 1679.

1. Non est illicitum in Sacramentis confe-
rendis sequi opinionem probabilem de valore Sa-
cramenti, reicta tutori, nisi id vetet lex, con-
ventio, aut periculum gravis damni incurriendi.

Hinc sententia probabili tantum utendum non
est in collatione baptismi, Ordinis Sacerdotalis,
aut Episcopalis.

2. Probabiliter existimo, judicem posse judi-
care juxta opinionem etiam minus probabilem.

3. Generatim dum probabilitate sive intrin-
seca, sive extrinseca, quantumvis tenui, modo
a probabilitatis finibus non exeat, confisi ali-
quid agimus, semper prudenter agimus.

4. Ab infidelitate excusabitur infidelis non
credens, ductus opinione minus probabili.

5. An peccet mortaliter qui actum dilectio-
nis Dei semel tantum in vita eliceret, condem-
nare non audemus.

6. Probabile est, ne singulis quidem rigo-
rose quinquenniis per se obligare præceptum
charitatis erga Deum.

7. Tunc solum obligat, quando tenemur justi-
ficare, & non habemus aliam viam, qua jus-
tificari possimus.

8. Comedere, & bibere usque ad satietatem
ob solam voluptatem non est peccatum, modo
non obsit valetudini, quia licite potest appeti-
tus naturalis suis actibus frui.

9. Opus conjugii ob solam voluptatem exer-
citum omni penitus caret culpa ac defectu ve-
niali.

10. Non tenemur proximum diligere actu
interno, & formaliter.

11. Præcepto proximum diligendi satisfacere
possimus per solos actus externos.

12. Vix in sacerdaribus invenies, etiam in
Regibus, superfluum statui. Et ita vix aliquis

tenetur dare eleemosynam, quando tenetur tantum ex superfluo statui.

13. Si cum debita moderatione facias, potes absque peccato mortali de vita alicujus tristari, & de illius morte naturali gaudere illam ineffaci affectu petere, ac desiderare, non quidem ex displicencia personæ, sed ob aliquod temporale emolumendum.

14. Lictum est absoluto desiderio cupere mortem Patris, non quidem ut malum Patris, sed ut bonum cupientis, quia nimur ei obvatura est pinguis hæreditas.

15. Lictum est filio gaudere de parricidio parentis a se in ebrietate perpetrato, propter ingentes divitias ex hæreditate consecutas.

16. Fides non censemur cadere sub præceptum speciale, & secundum se.

17. Satis est actum fidei semel in vita eliciere.

18. Si a potestate publica quis interrogetur, fidem ingenuè confiteri, ut Deo, & fidei gloriosum, consulo; tacere, ut peccaminosum perse non damno.

19. Voluntas non potest efficere, ut assensus fidei in se ipso sit magis firmus, quam mereatur pondus rationum ad assensam impellen-tium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum notitia solum probabili revelationis: imo cum formidine, qua quis formidet, ne non sit locutus Deus.

22. Non nisi fides unius Dei necessaria videtur necessitate medi, non autem explicita Remuneratoris.

23. Fides late dicta ex testimonio Creaturarum, similive motivo ad justificationem sufficit.

24. Vocare Deum in testem mendacii levis non est tanfa irreverentia, propter quam velit, aut possit damnare hominem.

25. Cum causa lictum est jurare sine animo jurandi, sive res sit levis, sive gravis.

26. Si quis vel solus, vel coram aliis, sive interrogatus, sive propria sponte, sive recreationis causa, sive quoquaque alio fine, juret se non fecisse aliquid, quod re vera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, re vera non mentitur, nec est perjurus.

27. Causa justa utendi his amphiboliis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, & studiosa.

28. Qui mediante commendatione, vel munere ad Magistratum, vel officium publicum promotus est, poterit cum restrictione mentali præstare juramentum, quod de mandato Regis a similibus solet exigi, non habitu respectu ad intentionem exigentis, quia non tenetur fateri crimen occultum.

29. Urgens metus gravis est causa justa Sacramentorum administrationem simulandi.

30. Fas est viro honorato occidere invasorem, qui nititur calumniam inferre, si aliter hæc ignominia vitari nequit: idem quoque dicendum, si quis impingat alapam, vel fuste percutiat, & post impactam alapam, vel ictum fustis fugiat.

31. Regulariter occidere possum furem pro conservatione unius aurei.

32. Non solum licitum est defendere defensione occisiva, quæ actu possidemus, sed etiam ad quæ jus inchoatum habemus, & quæ nos possessuros speramus.

33. Licitum est tam hæredi, quam legatario contra injuste impedientem, ne vel hæreditas adeatur, vel legata solvantur, se taliter defendere: sicut & jus habenti in cathedram, vel præbendam contra eorum possessionem injuste impedientem.

34. Licet procurare abortum ante animacionem foetus, ne puella deprehensa grava occidatur, aut infametur.

35. Videtur probabile, omnem foetum, quando in utero est, carere anima rationali, & tunc primum incipere eandem habere, cum paritur: ac consequenter dicendum erit in nullo abortu homicidium committi.

36. Permissum est furari non solum in extrema necessitate, sed etiam in gravi.

37. Famuli, & famulae domesticæ possunt occulte heris suis surripere ad compensandam operam suam, quam majorem judicant salario, quod recipiunt.

38. Non tenetur quis sub poena peccati mor-

talis restituere, quod ablatum est per pauca furta, quantumcumque sit magna summa totalis.

39. Qui alium movet, aut inducit ad inferendum grave damnum tertio, non tenetur ad restitutionem istius damni illati.

40. Contractus mohatra licitus est etiam respectu ejusdem personæ, & cum contractatu retrovenditionis præviæ inito, cum intentione lucri.

41. Cum numerata pecunia pretiosior sit numeranda, & nullus sit, qui non majoris faciat pecuniam presentem, quam futuram, potest creditor aliquid ultra sortem a mutuatario exigere, & eo titulo ab usura excusari.

42. Usura non est, dum ultra sortem aliquid exigitur, tanquam ex benevolentia, & gratitudine debitum, sed solum si exigatur tanquam ex justitia debitum.

43. Exinde non nisi veniale sit, detrahentis auctoritatem magnam sibi noxiā falso crimen elidere.

44. Probabile est non peccare mortaliter, qui imponit falsum crimen alicui, ut suam justitiam, & honorem defendat. Et si hoc non sit probabile, vix ulla erit opinio probabilis in Theologia.

45. Dare temporale pro spirituali non est simonia, quando temporale non datur tanquam præmium, sed dumtaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut e contra.

46. Et id quoque locum habet, etiamsi temporale sit principale motivum dandi spirituale:

imo etiamsi sit finis ipsius rei spiritualis , sic ut illud pluris aestimetur , quam res spiritualis.

47. Cum dicit Concilium Tridentinum , eos alienis peccatis communicantes mortaliter peccare , quis nisi quos digniores , & Ecclesiae magis utiles ipsi judicaverint , ad Ecclesias promovent , Concilium vel primo videtur per hoc *digniores* , non illud significare velle , nisi dignitatem eligendorum , sumpto comparativo pro positivo , vel secundo locutione minus propria ponit dignioris , ut excludat indignos , non vero dignos ; vel tandem loquitur tertio , quando fit concursus .

48. Tam clarum videtur , fornicationem secundum se nullam involvere malitiam , & solum esse malam , quia interdicta , ut contrarium omnino rationi dissonum videatur .

49. Mollities jure naturæ prohibita non est : unde si Deus eam non interdixisset , sæpe esset bona : & aliquando obligatoria sub mortali .

50. Copula cum conjugata , consentiente marito , non est adulterium ; ideoque sufficit in confessione dicere se esse fornicatum .

51. Famulus , qui submissis humeris scienter adjuvat herum suum ascendere per fenes- tras ad stuprandam virginem , & multoties ei- dem subservit , deferendo scalam , aperiendo ja- nuam , aut quid simile cooperando , non peccat mortaliter , si id faciat metu notabilis detrimen- ti , putâ ne a domino male retractetur , ne tor- vis aspiciatur , ne domo expellatur .

52. Præceptum servandi festa non obligat sub mortali , seposito scando , & si absit con- temptus .

53. Satisfacit præcepto Ecclesiæ de audi- do sacro , qui duas ejus partes , imo quatuor si- mul a diversis celebrantibus audit .

54. Qui non potest recitare matutinum , & laudes , potest autem reliquas horas , ad nihil tenetur , quia major pars trahit ad se minorem .

55. Præcepto Communionis annuæ satisfit per sacrilegam Domini manducationem .

56. Frequens Confessio , & Communio e- tiam in his , qui gentiliter vivunt , et nota præ- destinatiois .

57. Probabile est sufficere atritionem natu- ralem , modo honestam .

58. Non tenemur Confessario interroganti fateri peccati alicujus consuetudinem .

59. Licet sacramentaliter absolvere dimi- diate tantum confessum , ratione magni con- cursus poenitentium , qualis v. g. potest contingere in die magnæ alicujus festivitatis , aut in- indulgentiæ .

60. Poenitenti habenti consuetudinem pec- candi contra legem Dei , naturæ , aut Ecclesiæ , et si emmendationis spes nulla appareat , nec est neganda , nec differenda absolutio ; dummodo ore proferat se dolere , & proponere emmen- dationem .

61. Potest aliquando absolviri , qui in proxi- ma occasione peccandi versatur , quam potest , & non vult omittere ; quin imo directe , & ex proposito querit , aut ei se ingerit .

62. Proxima occasio peccandi non est fugien- da , quando causa aliqua utilis , aut honesta non fugienda occurrit .

63. Licitum est quærere directe occasionem proximam peccandi pro bono spirituali, vel temporali nostro, vel proximi.

64. Absolutionis capax est homo, quantumvis laboret ignorantia mysteriorum fidei, & etiamsi per negligentiam, etiam culpabilem, nesciat mysterium SS. Trinitatis, & Incarnationis Domini N. J. Christi.

65. Sufficit illa mysteria semel credidisse.

Propositiones duæ, damnatæ diversis temporibus.

1. Scientia ex confessione acquisita uti licet, modo fiat sine directa, aut indirecta revelatione, & gravamine poenitentis, nisi aliud multo magius ex non usu sequatur, in cuius comparatione prius merito contemnatur.

2. Licet per litteras, seu internuntium confessario absenti peccata sacramentaliter confiteri, & ab eodem absente absolutionem obtinere.

Propositiones duæ ab Alex. VIII. damnatæ.

24. Augusti 1690.

1. Bonitas objectiva consistit in convenientia objecti cum natura rationali: formalis vero in conformitate actuum cum regula morum. Ad hoc sufficit, ut actus moralis tendat in suum finem ultimum interpretative, hunc homo non tenetur amare neque in principio, neque in decurso vitaे mortalitatis.

2. Peccatum philosophicum, seu morale est

actus humanus disconveniens naturæ rationali, & rectæ rationi. Theologicum vero, & morale est transgressio libera Divinæ legis. Philosophicum quantumvis grave in illo, qui Deum vel ignorat, vel de Deo actu non cogitat, est grave peccatum; sed non offensa Dei; neque peccatum mortale disolvens amittitiam Dei, neque æterna poena dignum.

*Propositiones ab eodem Alexandre VIII.
damnatae.*

die 7. Decembris 1690.

1. In statu naturæ lapsæ ad peccatum formale, & de meritum sufficit illa libertas, qua voluntarium, ac liberum fuit in causa sua, peccato originali, & libertati Adami peccantis.

2. Tametsi detur ignorantia invincibilis juris naturæ, hæc in statu naturæ lapsæ operante ex ipsa non excusat a peccato formali.

3. Non licet sequi opinionem vel inter probabiles probabilissimam.

4. Dedit semetipsum pro nobis oblationem Deo, non pro solis electis, sed pro omnibus, & solis fidelibus.

5. Pagani, Judæi, Hæretici, aliquæ hujus generis nullum omnino accipiunt a J. Christo influxum, adeoque hinc recte inferes, illis esse voluntatem nudam, & inermem, sine omni gratia sufficienti.

6. Gratia sufficiens statui nostro non tam utilis, quam perniciousus est, sic ut proinde merito possimus petere: *a gratia sufficienti libera nos Domine.*

7. Omnis humana actio deliberata est Dei dilectio, vel mundi: si Dei, charitas Patris est; si mundi, concupiscentia carnis, hoc est, mala est.

8. Neccesse est infidelem in omni actu peccare.

9. Re vera peccat, qui odio habet peccatum mere ob ejus turpitudinem, & disconvenientiam cum natura rationali, sine ullo ad Deum offensum respectu.

10. Intentio, qua quis detestatur malum, & prosequitur bonum, mere ut cœlestem obtineat gloriam, non est recta, nec Deo placens.

11. Omne, quod non est, ex fide Christiana supernaturali, quæ per dilectionem operatur, peccatum est.

12. Quando in magnis peccatoribus deficit omnis amor, deficit etiam fides, & etiamsi videantur credere, non est fides Divina, sed humana.

13. Quisquis etiam æternæ me reredis intuitu Deo famulatur, charitate, si caruerit, vitio non caret, quoties intuitu licet beatitudinis operatur.

14. Timor gehennæ non est supernaturalis.

15. Attrito, quæ gehenne, & pœnarum metu concipitur, sine dilectione benevolentia Dei propter se, non est bonus motus, ac supernaturalis.

16. Ordinem præmittendi satisfactionem absolutioni induxit non politia, nec institutio Ecclesiæ, sed ipsa Christi lex, & præscriptio, natura rei id ipsum quodammodo dictante.

17. Per illam praxim mox absolvendi, ordo pœnitentiaæ est inversus.

18. Consuetudo moderna quoad administrationem Sacramenti Pœnitentiaæ, etiamsi eam plurimorum hominum sustentet auctoritas, & multi temporis diurnitas confirmet, nihilominus ab Ecclesia non habetur pro usu, sed abusu.

19. Homo debet agere tota vita pœnitentiam pro peccato originali.

20. Confessiones apud Religiosos factæ plerumque vel sacrilegæ sunt, vel invalidæ.

21. Parochianus potest suspicari de mendicantibus, qui eleemosynis communibus vivant, de imponenda nimis levi, & incongrua pœnitentia, seu satisfactione ob quæstum, seu lucrum subsidi temporalis.

22. Sacrilegi sunt judicandi, qui jus ad communionem percipiendam prætendunt, antequam condignam de delictis suis pœnitentiam egerint.

23. Similiter arcendi sunt a sacra Communione, quibus nondum inest amor Dei purissimus, & omnis mixtionis expers.

24. Oblatio in templo, quæ fiebat a B. Virginæ Maria in die Purificationis suæ per duos pullos columbarum, unum in holocaustum, & alterum pro peccatis, sufficienter testatur, quod indiquerit purificatione, & quod filius, qui offerebatur, etiam macula Matris maculatus esset, secundum verba legis.

25. Dei Patris sedentis simulacrum nefas est Cristiano in templo collocare.

26. Laus, quæ defertur Mariæ, ut Mariæ, vana est.

27. Valuit aliquando baptismus sub hac forma collatus: *in nomine Patris, et. prætermisis illis, ego te baptizo.*

28. Valet baptismus collatus a Ministro, qui omnem ritum externum, formamque baptizandi observat, intus vero in corde suo apud se resolut: *non intendo facere, quod facit Ecclesia.*

29. Futilis, & toties convulsa est assertio de Pontificis Romani supra Concilium Ecumenicum auctoritate, atque in fidei quæstionibus decernendis infalibilitate.

30. Ubi quis invenerit doctrinam in Augustino clare fundatam, illam absolute potest tenere, non respiciendo ad ullam Pontificis Bullam.

31. Bulla Urbani VIII. *in Eminentib[us] subreptitia.*
Propositiones quinque de duello a Bened. XIV.

damnatae Const. edita an. 1752.

1. Vir militaris, qui nisi offerat vel acceptet duellum, tanquam formidolosus, timidus, abjectus, & ad officia militaria ineptus habetur: indeque officio, quo se, suosque sustentat, privaretur, vel promotionis alias sibi debitez, ac promeritæ, spe perpetuo carere deberet, culpa, & pena vacaret, sive offerat, sive acceptet duellum.

2. Excusari possunt etiam, honoris tuendi, vel humanæ vilipensionis vitande gratiæ, duellum acceptantes, vel ad illud provocantes, quando certo sciunt pugnam non esse secuturam, utpote ab aliis impediendam.

3. Non incurrit in Ecclesiasticas penas, ab Ecclesia contra duellantib[us] lata, Dux, vel Offi-

cialis Militiæ, acceptans duellum, ex gravi me-
tu amissionis famæ, & officii.

4. Licitum est in statu hominis naturali ac-
ceptare, & offerre duellum ad servandas cum
honore fortunas, quando alio remedio eorum
jactura propulsari nequit.

5. Asserta licentia pro statu naturali appli-
cari etiam potest statui Civitatis male ordinatæ,
in qua nimirum vel negligentia, vel malitia Ma-
gistratus, justitia aperte denegatur.

~~~~~  
**DECRETA APOSTOLICA.**

*Ad materiam morum spectantia, in compendium  
redacta.*

*De Jejunio.*

Bened. XIV. in spistola encyclica, data Re-  
mæ die 30. mensis Maji, quæ incipit: *non ambi-  
gimus* præscribit, a jejunio Quadragesimali ne-  
mini sine legitima causa, & de utriusque Medi-  
ci consilio concedendam esse dispensationem:  
multitudini vero, veluti populo, aut civitat[i] in-  
tegræ, non nisi gravissima, & urgente neces-  
sitate cum debita Apostolicæ Sedis reverentia &  
facultate. Cum autem ab Ecclesia sic fuerit dis-  
pensatum, servandam esse unicam comedionem,  
& licitas, atque interdictas epulas promiscue  
non esse usurpandas.

*Idem Bened. XIV.*

*In epistola encyclica 22. Angusti ejusdem anni.*

Declarat, unicam comedionem servandam es-  
se, & licitas, & interdictas epulas non esse ap-  
ponendas non solum cum integrō populo justis